

Na osnovu Ugovora o poslovnoj saradnji Općine Ilijaš Sarajevo i Bosna Bank International d.d. Sarajevo
zaključenog dana 30.07.2020. godine objavljuje se:

JAVNI POZIV

PRIVREDNIM SUBJEKTIMA ZA PODNOŠENJE ZAHTJEVA ZA ODOBRENJE FINANSIRANJA

1. PREDMET POZIVA

Predmet poziva je prikupljanje zahtjeva za odabir korisnika kredita/finansiranja u skladu sa uslovima javnog poziva za regresiranje profitne marže (kamatne stope).

2. PRAVO UČEŠĆA - KORISNICI LINIJE FINANSIRANJA

2.1. Pravo učešća

Pravo apliciranja za finansiranje imaju **privredni subjekti – privredna društva i samostalni preduzetnici**, koji trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom o poticaju razvoja male privrede ("Službene novine Kantona Sarajevo", broj: 29/15) koji:

- imaju sjedište ili poslovnu jedinicu/podružnicu na području Općine Ilijaš,
- uredno izmiruju svoje zakonom predviđene obaveze,
- aktivno posluju i imaju uposlene radnike,
- posluju likvidno i zadovoljavajućeg su boniteta,
- po osnovu tekuće kreditne zaduženosti, a prema podacima iz Centralnog registra kredita (CRK), spadaju u "A" kategoriju (dozvoljena i "B" kategorija, ukoliko ista nije nastala zbog stvarnog kašnjenja klijenta u otplati kreditnih obaveza).

2.2. Sredstva se neće odobravati za projekte iz sljedećih oblasti:

- Proizvodnja oružja i vojne opreme,
- Proizvodnja i prodaja duhanskih proizvoda i alkoholnih pića,
- Djelatnost kasina i drugih igara na sreću,
- Djelatnosti državnih institucija i preduzeća,
- Neprofitne fondacije, udruženja i organizacije,
- Sve vrste finansijskih institucija uključujući i banke,
- Kao i za druge djelatnosti i namjene koje su internim aktima BBI označene kao nedopuštene.

3. NAMJENA SREDSTAVA

Namjena sredstava je da se pruži finansijska podrška privrednim subjektima za produktivnije poslovanje i rast privrednih aktivnosti, finansiranjem obrtnih, trajnih obrtnih sredstava, osnovnih sredstava i investicija (dugoročna finansiranja), kako bi se omogućilo pokretanje nove i održavanje postojeće proizvodnje, pružanje usluga, veću iskorištenost kapaciteta, održavanje postojećih radnih mjesta i novo zapošljavanje i povećanje izvoza, te umanjene negativnih ekonomskih efekata uzrokovanih pandemijom i širenjem virusa COVID-19.

Sredstva se neće primarno odobravati za refinansiranje otkupa ranije preuzetih obaveza privrednih subjekata u bankama i drugim finansijskim institucijama.

4. KRITERIJI ZA ODABIR KORISNIKA LINIJE FINANSIRANJA

Osnovni kriteriji za odabir korisnika linije finansiranja su:

- Vrsta djelatnosti (proizvodna, uslužna i proizvodno-uslužna),
- Namjena utroška sredstava,
- Proizvodi i usluge kojima se ostvaruje veća dodatna vrijednost i efekti na zaposlenost u Općini,
- Izvori - način finansiranja projekata,
- Orijentisanost ka izvozu,
- Formalno-pravno uredna dokumenta za obezbjeđenje kredita,

5. INFORMACIJE O VISINI SREDSTAVA, ROČNOSTI, NAMJENI, IZNOSIMA I VISINI SUBVENCije

Za realizaciju ove Linije finansiranja BBI je obezbjedila sredstva u iznosu 4.700.000,00 KM, a Općina Ilijaš će iznosom od 100.000,00 KM regresirati ukupnu profitnu maržu u visini od 3,9%. Finansiranja za privredna društva do maksimalnog iznosa KM 300.000,00 KM, te za samostalne poduzetnike/djelatnosti fizičkih lica do maksimalnog iznosa KM 50.000,00 KM.

5.1. Kratkoročna finansiranja

- Kratkoročna finansiranja za tekuće poslovanje se odobravaju sa minimalnim rokom otplate do 12 (dvanaest) mjeseci u iznosu do 300.000,00 KM.
- Visina profitne stope je 0,0% (3,9% prije subvencije),
- Troškovi obrade finansiranja 0%.

5.2. Dugoročna finansiranja za trajna obrtna sredstva

- Dugoročna finansiranja za trajna obrtna sredstva se odobravaju na rok do tri godine (36 mjeseci), u iznosu do 300.000,00 KM,
- Visina profitne stope je 0,0% (3,9% prije subvencije),
- Troškovi obrade finansiranja 0%.

5.3. Dugoročna anuitetska finansiranja

- Dugoročna anuitetska finansiranja za osnovna sredstva i kapitalne investicije se odobravaju na rok do pet godina (60 mjeseci) u iznosu do 300.000,00 KM,
- Visina profitne stope je 0,0% (3,9% prije subvencije),
- Troškovi obrade finansiranja 0%.

Posebni uslovi za isplatu subvencije su uredno izmirivanje svih poreskih obaveza i dospjelih obaveza po finansiranjima, a koji se utvrđuju monitoringom od strane BBI na polugodišnjem nivou.

6. POTREBNA DOKUMENTACIJA

6.1. Potrebna dokumentacija za apliciranje pravnih lica:

- Aktuelni izvod iz sudskog registra, ne stariji od 90 dana,
- Statut i odluka o osnivanju preduzeća,
- Uvjerenje o poreskoj registraciji od porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavještenje nadležnog zavoda za statistiku o razvrstavanju po djelatnostima,
- Uvjerenje Porezne uprave o izmirenim direktnim porezima do dana 29.02.2020. godine, ne starije od 30 dana,
- Uvjerenje Uprave za indirektno oporezivanje o izmirenim indirektnim porezima do dana 29.02.2020. godine (ili na dan 29.02.2020. g.), ne starije od 30 dana,
- Kopija lične karte i CIPS-a za lica ovlaštena za zastupanje,

- Izjava o povezanim licima,
- Saglasnost za provjeru Centralnog registra kredita (CRK),
- Izveštaj eksternog revizora (samo za dioničarska društva),
- Poslovni plan, projektovani bilansi i gotovinski tokovi za period otplate finansiranja,
- Program ili projekat, sažetak projekta po osnovu kojeg se podnosi zahtjev za finansiranje,
- Očekivani efekti u zapošljavanju, shodno biznis planu,
- Bilans stanja i uspjeha za prethodne dvije godine, te preliminarni finansijski pokazatelji za tekući period,
- Dokumentacija za obezbjeđenje finansiranja i instrumenti obezbjeđenja finansiranja (kolateral) koje određuje Banka, u skladu sa svojom poslovnom politikom i ovisi o bonitetu komitenta i
- Izjava o primljenim "de minimis" pomoćima i drugim državnim pomoćima ("Službene novine FBiH", br. 27/18)
- Po zahtjevu Banke i ostala dokumenta u skladu sa internim aktima Banke.**

6.2. Potrebna dokumentacija za apliciranje fizičkih lica (obrnici i samostalne djelatnosti):

- Uredno popunjen i ovjeren zahtjev za finansiranje,
- Dokaz o namjenskom korištenju sredstava finansiranja (predračun, faktura, Ugovor o kupoprodaji, potvrda o ostatku duga),
- Rješenje nadležnog općinskog organa za obavljanje djelatnosti,
- Kopija kartona deponovanih potpisa lica ovlaštenih za zastupanje,
- Specifikacija o utvrđivanju dohotka od samostalne djelatnosti za posljednje dvije godine,
- Uvjerenje o poreskoj i PDV registraciji (ukoliko je djelatnost u obavezi),
- Fotokopija lične karte (LK) – vlasnika samostalne djelatnosti,
- Fotokopija CIPS potvrde - vlasnika samostalne djelatnosti,
- Odgovarajući dokument koji dokazuje da vlasnik samostalne djelatnosti ima nekretninu u svom vlasništvu (stan, kuća, zemljište, poslovni prostor); odgovarajući dokument koji dokazuje vlasništvo - ZK izvadak, list nepokretnosti, posjedovni list (samo za ona područja u kojima nisu uspostavljene zemljišne knjige), i
- Izjava o primljenim "de minimis" pomoćima i drugim državnim pomoćima ("Službene novine FBiH", br. 27/18)
- Po zahtjevu Banke i ostala dokumenta u skladu sa internim aktima Banke.**

6.3. Potrebna dokumentacija za založno pravo:

Potrebna vrijednost založnog prava u odnosu na iznos odobrenog finansiranja utvrđuje se u skladu sa aktima banke i ovisi od visine zahtjeva za finansiranje i sveukupnog boniteta klijenta.

6.4. Uobičajene vrste kolaterala koje BBI banka prihvata i potrebna dokumentacija za založno pravo:

- Založno pravo na nekretnine,
- Založno pravo na opremu,
- Mjenice firme,
- Lične mjenice vlasnika privrednog društva ili obrta,
- Ugovor o asignaciji,
- Polisa osiguranja vinkulirana u korist BBI,
- Ostalo u dogovoru sa Bankom.

Za ponudeno obezbjeđenje (zalag pokretne i nepokretne imovine) obavezno je dostaviti procjenu sudskog vještaka (procjena nekretnine ne smije biti starija od 6 mjeseci i treba biti izvršena od ovlaštenog sudskog vještaka prihvatljivog za banku), dokument koji dokazuje vlasništvo (ZK izvadak ne stariji od 30 dana) i kopiju katastarskog plana.

6.5. Potrebna dokumentacija za ostvarivanje prava na subvencioniranje

Korisnici ostvaruju pravo na subvenciju dokumentovanjem ispunjavanja ugovorenih obaveza na godišnjem nivou, dostavljanjem:

- Potvrde od Poreske uprave o urednom izmirenju obaveza,
- Potvrde od Uprave za indirektno oporezivanje o urednom izmirenju obaveza,
- Izveštaja o namjenskom trošenju sredstava u skladu sa Ugovorom između BBI i Korisnika finansiranja.
- Obrasca 2001 u cilju kontrole broja zaposlenih.

7. ROKOVI

Rok za podnošenje zahtjeva za finansiranje prema uslovima Javnog poziva počinje teći od dana objavljivanja u sredstvima javnog informisanja i traje do 31.12.2020. godine. Zadati rok prijema zahtjeva se može produžiti samo u slučaju da se ne plasiraju ukupno planirana sredstva BBI, odnosno potroši planirana subvencija s tim da bi se linija finansiranja zaključila najkasnije sa 30.06.2021. g.

8. MJESTO I NAČIN PODNOŠENJA ZAHTJEVA

Zahtjevi za finansiranja sa potrebnom dokumentacijom podnose se u zatvorenim kovertama sa naznakom "Zahtjev za finansiranje iz linije Općine Ilijaš" lično na protokol ili preporučenom poštom, na adresu: **BOSNA BANK INTERNATIONAL d.d. Sarajevo, Trg djece Sarajeva b.b. ili putem elektronske pošte: linijaopcinaailijas@bbi.ba**

9. UGOVOR O FINANSIRANJU

Prijem zahtjeva, proces analize, obrade i odobravanja za finansiranje iz sredstava finansijske linije vršit će se u skladu sa redovnim procedurama BBI banke. Ugovorom između BBI i Korisnika finansiranja će se definisati međusobne obaveze i prava ugovornih strana, te način korištenja finansiranja. Za sva finansiranja je obavezan monitoring od strane BBI na polugodišnjem nivou. Korisnik sredstava je u obavezi dostaviti BBI svu potrebnu dokumentaciju u svrhu dokaza ispunjenja posebnih uslova iz ugovora i ostvarivanja prava na subvencioniranu profitnu maržu.

10. OSTALO

U postupku podnošenja zahtjeva po Javnom pozivu Banka ne snosi nikakve troškove učesnicima, te zadržava pravo da u slučaju opravdanosti zahtjeve u potpunosti odbije. Dostavljena dokumentacija se neće vraćati.

11. INFORMACIJE

Dodatne informacije mogu se dobiti u poslovnici BOSNA BANK INTERNATIONAL d.d. u Ilijašu ili u najbližoj poslovnicu BOSNA BANK INTERNATIONAL d.d. Sarajevo na području Kantona Sarajevo, na e-mail: linijaopcinaailijas@bbi.ba, na brojeve telefona **033/275-507, 033/275-273, 033/275-259, 033/275-641 i 033/275-643** i na web stranici www.bbi.ba.